

國民政府

新報

文藝復興

府政民國

式程文公新最

冊四第

- | | | | | | | |
|---|---|---|---|---|-------|-------|
| 七 | 六 | 五 | 四 | 三 | 二 | 一 |
| 牒 | 批 | 指 | 訓 | 令 | 佈 | 通 |
| 文 | 示 | 令 | 令 | | 告 | 電 |
| | | | | | (附通告) | (附宣言) |

中華民國十八年八月出版

△國民政府最新公文程式

(全書精裝四厚冊)

(定價洋一元六角)

編輯者 張 少 江

印刷者 民 立 書 局

發行者 民 立 書 局

分發行所 各 省 各 大 書 局

總發行所 上海民立書局

國民政府最新公文程式全書

通電（附宣言）

政治類

四件四監委忠告李宗仁電

吳敬恆電 道德鄰先生賜鑒。路傳言先生於五日以護黨名義通電。與中央敵抗。內有爰承中央委員黨中先進。暨各方同志敦促組護黨討賊軍。中央何委員。黨中何先進。人心不厭亂。或此妄人。但弟以爲凡事不可任意橫決。由矜伐而至於頑抗。由頑抗而至於狂悖。則將黑白變色。愈趨愈岐。不惟負其初心。抑且趨絕地矣。此次先生等不知戒慎。形成叛變。在中央維持其天職。不能不加以糾正。倘先生等幡然下野。釋兵遠遊。則前勦未嘗不可追念於異日。若竟臨崖盲幹。乃爲自實其罪狀。豈不深可痛惜乎。若電中以三全大會爲口實。尤自亂其方向。三全大會未開之先。估量其適當之辦法。德公在湯山親聞其議。以後會之開成。適如所期。若初意謂然。而又自攻之。此真所謂如走馬燈之方位。可隨便互轉矣。先生等以護黨自許。當始終一節。不較成敗。才有價值。任潮先生因傳

聞先生等將自所謂右者復轉所謂左。亦甚不以爲然。此恐仇者造謠耳。請決勿受任何委員任何先進之愚。以堅其素節。則失敗更有榮也。藥石之言。幸勿以爲忤。弟吳敬恆叩蒸。

李煜瀛電 德鄰先生鑒。兩年以來。每遇一可乘之機。則其派及陰謀家。必圖操縱利用。以肄其毒。

計。而謀摧毀吾黨之生命。吾人常論及此。均以各武裝同志之合作。實爲最要。至桂方同志與介公之間。其關係更爲重大。故禮卿先生於此尤爲注重。互相討論之結果。桂方同志應取不抵抗主義。至今言猶在耳。逮湘事發生後。弟等奔走調和。與公在滬一再討論解決之方。公仍持以前之態度。後聞湘鄂之桂軍遠引。並聞其領袖有將出洋之說。正幸公等遵守前言。絕不予共黨及陰謀家有可乘之機會。乃近來頗有傳述。公等與此類黨徒發生關係。又聞公等組織護黨軍。發出通電。所持論調。與朝三暮四之人有相似之點。弟皆深引爲杞憂。故將昔所討論之各言重爲提及。若傳言不實。至所欣禱。設或事出有因。尙希改正。以符初衷。又聞通電中云。有中央先進促進內爭。設有其人直接間接。必仍爲外人之工具。幸先生屏而拒之。實黨國之大幸也。李煜瀛叩蒸。

蔡元培電 德鄰先生鑒。南京友人見示歌電。始知公亦已投入戰線。良深惋歎。自國民革命軍打倒北洋軍閥以後。全國軍事領袖。同隸青天白日旗下。互相親愛。當如骨肉。彼此卽有誤會。可依據

黨義。切合人情。開誠布公而解決之。萬無再用武力之理。誰爲戎首。便是自殺。誰肯退讓。方得同情。弟對於中央進兵武漢之舉。曾力沮之。此次桂軍攻粵。自然尤不贊成。易稱不遠復。无祇悔。元吉。望公能採用任潮樞暉兩先生之勸告。卽釋兵柄。暫遊海外。博聞多識。爲他日報國準備。年富力強如公。前途未可限量。何苦冒不韙而爭鵲巢。得失於目前耶。如能約健生季寬兩先生同行。使兩粵得以息爭。尤所謂如天之福。禱祀以求者也。最後忠告。尙希採納。蔡元培灰。

張人傑電 德鄰先生鑒。執事又組護黨軍。以叢枝節。並言受中央委員及黨中先進暨各同志敦促。竊以爲其人眞爲忠實同志。且爲先進者。必不以同室操戈爲然。伏願勿受此等同志先進之愚。卽日息兵。以聽命於正義。張人傑蒸。

由 一件上海特別市執行委員會電——爲浙江省政府摧殘黨報

國急。全國各省黨部各特別市黨部均鑒。浙江省政府違反黨綱黨義。決議取消二五減租。及預徵田賦。雖經省黨部據理力爭。函請複議。而省府悍然不察。竟以未便照辦爲辭。復因杭州民國日報披露前項來往文件而懷恨。突於四月三十日。指派軍警逮捕省黨部候補監委兼杭州民國日報

主筆胡健中同志。並圍搜該報館。勒迫停刊等情事。消息傳來。同深忿恨。本會認爲浙省政府此種舉措。實屬不法。該府違反中央頒布各級黨部與各級政府相互關係之臨時辦法之規定。其罪一。違背中央迭次保障黨務工作人員之明令。其罪二。破壞中央頒行之指導黨報條例。黨報應歸黨部直接指導之規定。其罪三。弁髦法紀。蹂躪人權。其罪四。綜此罪狀。足徵該省府反動已極。本會除已呈請中央改組浙省政府。懲辦主從各犯。並恢復黨報外。特此電達。務請一致奮起聲討。不勝切禱。上海特別市執行委員會叩佳

一件國民黨中央黨部致各報館爲統一合作電

各報鑒。自去歲北伐以來。國民革命之勢力。由珠江流域以進於長江流域。本黨中央黨部及國民政府鑒於形勢。由廣州遷都武漢。以號令全國。今年三月下旬。克復南京。東南形勢。劇烈變化。本黨中央黨部及國民政府。復於四月初旬。決議遷都南京。以謀國民革命勢力之進展。不幸四月中旬。蔣中正等在南京自立中央黨部及國民政府。陷本黨於分裂。歷時五月。險惡日甚。凡我同志。皆所痛心。今者蔣中正既解除兵柄。以聽命於黨。李宗仁等復請中央黨部及國民政府。卽由武漢遷都南京。以實行四月初旬之決議。而亟謀全黨之統一。茲經中央執行委員會擴大會議第二十五次

會議決議中央黨部及國民政府即日遷都南京。並將目前關係重要諸端。列舉於左。第一。凡我同志。當知本黨此次分裂。實爲本黨最不幸之事實。亦卽國民革命最不幸之事實。凡我同志。必須以至誠之念。承認過失。尤須以至勇之氣。矯正過失。古人有言。創鉅者其日久。痛深者其愈遲。凡我同志。自今以往。必不可再有第二次之同樣過失。夫黨之存在。繫於紀律。黨員之服從黨紀。較之軍人之服從軍紀。國民之服從國法。當更爲嚴格。昔日以黨員不服從黨紀而分。今日以黨員能服從黨紀而合。既合之後。當知黨之紀律。高出於黨員一切之自由。凡我同志。必須能爲紀律而犧牲自由。乃能擔負國民革命之重大責任。第二。自四月中旬。本黨分裂以來。實與帝國主義者及軍閥以操縱之機會。彼帝國主義者及軍閥。固無日不思挑撥離間國民革命的勢力。本黨之分裂。適以供其利用。最近帝國主義者之謀駐兵於山東及河北。與張作霖張宗昌孫傳芳之死灰復燃。實爲國民革命之最大阻礙。故本黨統一之後。其最大之任務。卽爲抵抗帝國主義者之侵略及肅清一切殘餘軍閥。凡此必須於最短期間。求其實現。第三。自共產黨員加入本黨以來。其始則藉本黨之掩護。以潛植其勢力。及勢力漸長。則直欲以操縱本黨者。操縱國民革命。及其陰謀敗露。則悍然以破壞本黨者。破壞國民革命。而無所恤。徵之最近南昌之變。刦殺淫掠。窮凶極惡。以破壞本黨而論。則爲

本黨之叛徒。以破壞國民革命而論。則爲中國之罪人。彼輩今日率其餘孽。謀竊據海疆。更留其同類潛伏各處。以圖乘間抵隙。不但無悔禍之意。其煽亂之謀。且日以亟。故本黨統一之後。必集合全體同志之力。對於共產黨人。施以誠意之感化。其有不能感化者。則決以嚴格之手段除之。務盡第四。總理所期望於同志者。爲以黨治國。夫欲以黨治國。必先以黨治軍。其最要之意義有二。其一。一切武力皆爲黨之目的而使用。其二。一切武力其行動進止。皆聽命於黨。質而言之。黨之武力。所以爲黨排除進行一切障礙之工具而已。不明乎此。或則於黨的名義之下。潛植其私人之勢力。或則其始藉黨以獲得武力。其繼乃挾持武力而置黨於威脅之下。如是則本黨所涵蓄之武力。適足以製造無數新軍閥。以妨礙國民革命之進行。而侵蝕本黨同歸於盡而已。欲除此弊。則凡我武裝同志。必當時時刻刻念此武裝。乃爲國民革命而武裝。非爲一己及其二三將帥而武裝。剷除一切我建思想。剷除一切地盤觀念。束身於軍紀。尤束身於黨紀。有違反黨紀者。卽不得爲武裝同志。亦不得爲武裝同志所容。如是則以黨治軍之效乃見。而以黨治國之希望。乃能循序而實現也。國民革命之目的。在解除大多數民衆之痛苦。然自國民革命軍北伐以來。雖日有勝利。而大多人民之痛苦。未能悉以解除。此其原因。固由帝國主義之勢力。猶未根本打破。殘餘之軍閥。猶

未完全肅清。此尙有待於國民革命之努力者。然當作戰之際。人民之負擔。十之八九用於軍費。人民不特不能解除痛苦。而其痛苦且以滋長。本黨對於人民爲革命之所犧牲。必當鄭重以求其代價。其代價爲何。卽致中國於自由平等。爲大多數人民解除痛苦。增進幸福而已。凡我同志。苟明瞭其擔負之責任如此重大。則不可不精心毅力以赴之。如同志渙散。卽爲黨之渙散。卽爲國民革命勢力之渙散。凡我同志。旣鑄錯於前。必當補過於後。統一其心志。團結其精神。整齊其步伐。森嚴其紀律。向國民革命之前途。以努力前進。必使三民主義得完全實現於中國。凡我同志。願共勉之。中國國民黨中央黨部國民政府。皓。自武漢發印。

一件國民政府定都南京宣言

我總理孫中山先生致力國民革命。凡四十年。辛亥而後。倒袁護法。北伐諸役。討賊戡亂。輒身爲天下先。誠以滿清雖經顛覆。曾不須臾。國內軍閥得國外帝國主義之援助。益務以阻止國民革命之進行。此種頑強之障礙不除。則革命之目的不能敏活實現。然猶慮革命黨人與其當前之強敵爲殊死戰。而大多數人民仍守其不問國事之舊習。坐視國家淪爲次殖民地。而不爲之所。故於十三年一月召集本黨第一次全國代表大會於廣州。一方容許中國共產黨黨員以個人資格加入本

黨以期集中全國革命份子於三民主義之下。共同奮鬥。一方提出宣言。說明本黨所持革命之主義與其實行主義首先必需之政綱。總理並於此時手定建國方略。完成三民主義之演講。更於扶病北上之際。發表主張開國民會議及廢除不平等條約之宣言。而終之以最後之遺囑。本黨同志繼承總理全部之遺教。奮鬥不懈。而所努力者。仍爲掃除革命障礙。準備三民主義之實行。故於第二次全國代表大會宣言。重行確定第一次大會宣言之主旨。對於主義誓以繼續努力。以求貫徹。對於政綱。亦無所修改。但期見諸實事。蓋吾人深信唯總理所定之主義及政綱。乃爲中國在此環境中唯一之正路。亦唯總理所定之主義及政綱。乃爲吾人由中國之民族革命。政治革命。社會革命。而達世界革命唯一之途徑也。兩年以來。本黨仍繼續總理領導國民革命之精神。從事於扶助農工民衆團體組織之發達。鞏固廣東之革命根據地。肅清一切反革命份子。掃除東江南路一切叛徒。建立與人民合作之政府。完成爲人民而戰之軍隊。根本既固。又復出師北伐。以與大江南北勾結帝國主義之軍閥決鬥。而此戰之目的。即在完成總理生平奮鬥而不幸未竟之大業。換言之。即在完成國民革命造成獨立自由之國家。以擁護國家及民衆之利益。語其實際之設施。一曰使黨軍愈與人民密切的相結合。二曰造成廉潔之政府。三曰提倡保護國內之實業。四曰保護農工

團體之利益。並扶助其發展。凡此諸端。俱爲此次北伐目的。與其必要手段之內容。今者賴革命上
下將士之戮力。各省被壓迫民衆之同心。義師所指。無不克捷。東南數省軍閥割據之勢力。固已破
潰。卽向日軍閥所恃以爲聲援之帝國主義。亦已根本動搖矣。不意在本黨繼承總理遺教領導全
國民衆及武裝同志北伐進行之際。中國共產黨悍然破壞國民革命之陰謀與事實。繼續敗露於
吾人之前。中國共產黨危害本黨固不自今日始。而其破壞本黨。因而破壞國民革命。實以今日之
逆謀爲最急。十三年之際。本黨接受總理容納共產黨人員個人加入本黨之旨。許以信仰三民主
義。參加本黨之革命工作。乃共產黨公然決議。其黨員所以加入本黨之用意。在於藉本黨以立一
強大之共產黨。於是吸引我同志。傾陷我領袖。污蔑我總理。侮辱本黨革命之歷史。破壞本黨領袖
農工運動之地位。遮斷我黨與民衆結合一致之戰線。總理當日坦然容許共產份子。固不料挾有
如此叵測之陰謀。本黨追念總理生平仁慈博大之精神。始欲許之以自新。結之以誠信。故約束同
志。以期潛移默化。銷弭糾紛。鞏固根本。不圖中國共產黨之字典上無誠信二字。恣睢跋扈。方欲摧
排異己。推翻本黨武裝革命之同志。遂乃煽惑我軍隊。調唆我肘腋。致有去年三月二十日之變。賴
蔣中正同志之忠勇。黨軍之戮力。靖亂有方。逆謀卒不得逞。而廣州革命策源之地。迄今保全。於斯

時也。本黨猶復憫其幼稚。不忍暴其罪狀。其不敢公然背叛本黨之份子。仍予任使。期望有加。待之未爲不厚。曾幾何時。吳佩孚以帝國主義之援助。稱兵南犯。迫我湘粵。本黨繼承總理討伐誅暴之大任。不能不調撥義師。共申天討。中國共產黨果有認識國民革命聯合戰線之美德。宜如何同仇敵愾。洗滌前愆。乃彼黨領袖與策士及其與本黨貌合之同志。衆口鼓惑。阻撓出師。泊乎我軍規復江漢。移師江浙。連下贛閩。與孫傳芳張宗昌兩大軍閥作最後之決戰。同時電令武漢各軍。沿隴海京漢路北向並進。而中國共產黨分子徐謙鄧演達等受俄人鮑羅廷之指揮。多方阻撓。使各軍不能依原定計畫出兵。我東路與中央軍犯難前進。彼輩挾持漢陽兵工廠。不發一鎗。不給一彈。且三電廣州兵工廠。飭其罷工。不特斷我軍械之接濟。抑且絕我軍費之供應。倒行逆施。務欲置國民革命於死地。向使中原各軍得依計畫而北進。以與東南各軍相策應。則肅清津浦諸敵軍之日。已是會師直搗幽燕之時。今敵兵雖已盡於東南。然餘孽猶得負隅於河北。久爲吾黨三民主義輾轉苦戰之師。馮玉祥偏於西北。樊鍾秀困於池南。豫中附義之士。勢孤力薄。皆待救援。而徐謙諸人只知挾一隅之軍權以自謀。不發一兵。不濟一錢。其目的既與國民革命不相同。遂不惜故亂其步伐。然此種種固非徐謙鄧演達一二人之私行。觀其所把持之總政治部。援引共產份子充塞部曲。三民

主義戰士熱血漬染之河山。幾盡爲共產黨人掠奪。特權之租界。其所宣傳。爲反對三民主義之宣傳。其訓練爲陰謀操縱變詐挑撥之技術。其工作爲拆散國民革命之勢力。破壞國民革命之戰線。爪牙四播。煽揚凶德。騷擾荼毒。騰爲民怨。喪失革命軍之榮譽。阻礙北伐之大計。武漢如此。到處皆然。謂非中國共產黨全部及革命之策略。其誰信之。不甯維是。當我軍甫定東南之際。中國共產黨竟在武漢集議。進而決定推翻本黨與國民政府之逆謀。假提高黨權統一指揮之名。行篡竊黨國中樞之實。擁甲倒乙。迎丙拒丁。破壞軍制之系統。煽惑本黨武裝之同志。侵蝕各地黨部之權柄。擾亂農工商學自覺之運動。逆謀既定。遂有二月以來武漢非法會議之發生。亂命四下。由來有自。議者不察。反以此等事變付諸流言。欺人者誠巧。欺於人者抑何其拙耶。本黨難以中國共產黨份子自附同志。願爲國民革命馳驅。故竭誠容納而提挈之。今甘心叛逆。阻撓北伐。謀爲不軌。直接破壞國民革命之戰線。卽間接爲軍閥與帝國主義之工具。不惟自絕於黨國。抑且自絕於世界。爲本黨自存計。爲完成國民革命計。固當驅除此叛逆。爲由國民革命以達世界革命之前途計。亦當掃滅此敗類。凡有血氣。皆當羣起以攻。絕其根株。勿使滋蔓。否則流毒所播。效尤踵起。國事不易爲矣。以上所述。爲中國共產黨份子寄生於本黨。以破壞國民革命之始末。本黨爲此敢揭誠告於文武將

士革命同志及全國國民曰。驅除共產份子。乃肅清革命陣地以內之反革命勢力。繼今以往。本黨必益當努力於黨權之集中。組織之精密。黨律之森嚴。信仰之統一。凡別有結合別有羽翼之反革命派。固當在所必除。而操志不定。易與同腐之分子。亦當嚴加糾正。唯國民黨爲領導被壓迫民衆革命之先鋒。唯三民主義爲適合於中國之革命主義。唯國民黨之主義能使革命趨於民衆化。亦唯國民黨之主義能使民衆歸於革命化。大任當前。義無反顧。務於最短期間。肅清軍閥。打倒帝國主義。完成國民革命之大業。以促進世界革命。謹此宣言。

一件上海黨務訓練所宣言

溯自十四年七月一日。我國政府成立於粵東。宣布政綱。解決國是。說明中國政治經濟。受帝國主義壓迫之真象。指摘立憲派。聯省自治派。和平會議派。商人政治派之錯誤。以證明祇有國民革命。實行三民主義。爲唯一之生路。後我總理引導於前。同志努力於後。義旗高舉。接厲再三。風發雲湧。列強側目。雖總理不幸。棄吾黨而長逝。但遺囑在耳。忠豈忘心。忠實如蔣總司令輩。繼續奮鬥。北伐功高。砥定東南。國基初奠。青天白日。飄揚占國土逾半。而三民主義之揭揚。幾家謳而戶頌。求中國民族之解放。更進求各民族之平等。打倒帝國主義。廢除不平等條約。及保護農工之政治。呼聲

亦漸高。轉瞬撲滅軍閥之餘威。直到黃龍。掃除鬪逆。亦指顧間易事耳。回念此二週中之勳績。足資紀念者有四。

(一) 軍閥之末路。北伐軍中。義師雲集。我武裝同志。冒鋒鏑鎗彈之險。涉危崖巨流之難。破敵摧堅。奮不顧身。爲主義而作戰。爲革命而犧牲。是以攻克湘鄂。吳逆銷亡。克復皖贛。孫逆膽摧。蘇浙已定。而張宗昌亦倉皇北走。近者淮徐已下。竟燕被圍。而北京僞大元帥如張作霖輩。莫不惶悚莫名。怪狀畢現。此非我黨之奮鬥精神。曷克臻此。此足資紀念者一也。

(二) 帝國主義之恐慌。國民革命之目的。在求中國之自由平等。孰使中國不自由不平等。曰。不平等條約之束縛。孰使此不平等條約之束縛加於中國。曰。帝國主義。故打倒帝國主義。實爲國民革命之第一工作。本黨既抱此目的。精神貫注。不屈不撓。雖屢經帝國主義者指揮之下。走狗工具。如官僚軍閥買辦階級。種種之阻撓。而國民革命奮發之精神。日益蓬勃。從茲以往。樹爲勁敵。使帝國主義者寒心。再加扶持弱小民族。聯合戰線。向帝國主義者猛攻。務使銷聲匿跡。使世界之上。宇宙之內。祇有和平之空氣。充塞其間。則此二週以來爲之進階。足資紀念者二也。

(三)共產黨之絕滅。總理容共。冀其自新。孰料共產黨之反覆。計謀陰毒。懷二喪心。竟敢誣蔑吾忠實之軍事首領。攘奪政府之一切大權。遍布爪牙。妄肆簧舌。搗亂後方。擾害工農。幸狐尾之早現。而大慙漸次伏誅。武漢之倒懸待解。夏楊之討共軍雄。內部瓦解。國人唾棄。絕滅之道。自貽伊戚。法紀尙存。不容漏網。此足資紀念者三也。

(四)民族精神之實現。凡茲彪炳之事業。偉大之成功。國民之具有智識者。莫不團呼聲祝。而民族精神之發皇。如春筍聞雷。如秋潮激石。遠非昔日東方病夫之形象。民衆運動。磅礴一時。革命精神。團結日衆。此足資紀念者四也。

於是而共產黨可告肅清。軍閥可告消滅。帝國主義者可傳哀計。人民合作之政府與軍隊可成功。以坦白之精神。爲民衆之利益。同時領導民衆。努力於國民革命。使總理主義早日實現。一致運動。始終不懈。更循總理披荆斬棘之新途。謀民族致富圖強之捷徑。庶無慚於一次二次大會之宣言。使紀律益以森嚴。訓練益以超卓。組織益以精密。本互助博愛。以結合團體精神。而尤望於吾國人大觀大悟。作政府之後盾。咸願爲民之前驅。咸願爲國而效死。一致高呼。以祝中國國民革命萬歲。中國國民政府萬歲。中國國民黨萬歲。